



Шочмо эл, порылык да чын верч!

Будь готов!

4-ше (3600) №,  
2023 ий 27 январь,  
кугарня.



# Ямде лий

1933 ий 1 февраль годсек лектеш.

## Патриот пашалан тўткыш



И. РЕЧКИНЫН фотожо.

**«Ямде лий»  
гене  
йолташ лий»**

Йоча газетын 90 ияш  
лўмгечыжлан  
пўлеклалтше пайрем  
Шарий самырык  
театрыште

**3 февральште**  
11 шагатлан тўгалеш

Программыште:  
Модыш Муро  
Конкурс  
Спектакль Пўлек

**Ямде лий**

0+

24 январьште Йошкар-Оласе Самырык-влакын полатыштышт оборонно-массовый да военно-патриотический паша месячник почылтын **(снимкыште)**. Тушто Марий Элым Вуйлатыше Ю.В.Зайцев лийын. *«Шочмо элым аралыше-влакын кечышт вашеш эртарыме тыгай мероприятий поснак шерге да кўлешан»*, – ойлен Юрий Викторович.

Тений месячник Сталинград да Курск кредалмаште фашист тўшкам кырен шалатымылан 80 ий, Ольга Тихомирован шочмыжлан 100 ий да подвигым ыштымыжлан 80 ий теммылан пўлек-

лалтын. Ик тылзе жапыште ўдыр-рвезе-влаклан 50 утла мероприятий эртаралтеш: класс шагат, ветеран-влак дене вашлиймаш, патырлык урок, спорт да интеллектуал модыш-шамыч да молат. Нине мероприятийлаш 60 тўжем утла самырык ег ушна.

Месячником почмашке республикын тўрлў районжо гыч кадет ден юнармеец-влак погыненыт. Тунемшешамычлан служебный машина, саргурал ончерлам ямдыленыт. Кумылан кажне ег саргуралым кучен ончен, тудын нерген келгынрак пален налын кертын.

**Е.ИВАНОВА** ямдылен.



## Ужашла гыч у ола шочеш

Тиде кече – Марий Турек школын тунемше-же-влаклан кугу пайрем. Нуно конструкторым погаш изинек шўмангын кушкыт. «Точка роста» рўдер пелен «Lego-конструирование» кружок пашам ышта. Тудым тўналтыш классла туныктышо И.В.Хорошавина вуйлата.

– Кружокым кум ий ончыч почмо. Тушко 1-4-ше класслаште тунемше-влак (снимкыште) коштыт. Йоча-влак, легио-конструкторым поген, сайырак тунемыт, шымлыме пашашке ушнат, ум шке гыч шонен луктыт, уш-акылыштым, усталыкыштым вияндат, – оила Ирина Витальевна.

Ўдыр-рвезе-влак тўрлў транспортым, замокым, ялыкым, суртволькым, пўр-

28 январь –  
Легон тўнамбал  
кечыже.



Фотом школ архив гыч налме.

тым, суртышто кучылтмо ўзгарым, кушкылым да молымат погат. Ончыкылык-лан шонымашышт ятыр. Йоча-шамыч XXII курым машинажым да олажым чонынешт.

**Х.АЛЕКСАНДРОВА.**

### Историйым шергалына

27 январь – Российыште Воин чап кече. 1944 ий ты кечын совет войска Ленинградым блокаде деч пўтынек утарен.

2 февраль Российыште Воин чап кече семын палемдалтеш. 1943 ий ты кечын совет войска Сталинград крдалмаште фашист тўш-кам кырен шалатен. Тиде сенымаш Кугу Ачамланде сарыште тура савыртышым ыштен. Сталинград крдалмаш ик эн кугулан да виянлан шотлалтын.

## Кокымшо ава

Туныктышем – З.В.Небогатикова. Тудын урокышкыжо кумылын коштам. Шкаланна кажне гана онай деч онайым, у деч ум почына. Земфира Васильевна темым раш умылтара. Туныктышынан кумылжак шерге. Поро, шыма, йоча-влакым умылышо. Кокымшо ава гай. Ме тудым пагалена да йўратена.

**Кира ВЕСЕЛОВА.**

**У Торьял, Токтарсола.**

Тунемше еҗын чонышто  
Тўнчан пнал шочеш.

**З.ДУДИНА.**



## Тўвыргў лектыш

Морко районышто этнокультур предмет дене эртаралтше олимпиадын лектышыже тўвыргў лийын. Шочмо марий йылме да литератур дене олимпиадылаште Унчо, Арын, Энерсола школлаште, Коркатово лицейыште тунемше-шамыч ойыртемалтыныт. Кугыжаныш марий йылме да ИКН дене 1-ше да 2-шо номеран Морко, Зеленогорский, Унчо школла гыч ўдыр-рвезе-влак ончылно лийныт. Районысо олимпиадыште сеныше-шамыч республикыште таҗасаш тўналыт. Сенымашым тыланена!

**Морко, Шўргыял.**

**Е.ГРИГОРЬЕВА.**

## Российысе увер

6-17 ияш самырык корреспондент-влак «Юнкор-2023» тўнамбал конкурсышко ушнен кертыт. Келшыше темым ойырен, видеом войзыман да [snamip@yandex.ru](mailto:snamip@yandex.ru) адрес дене электрон почтыш колтыман.

7-11-ше класслаште тунемше да студент-влак, тачысе кечылан келыштаралтше вургемлан эскизым ышташ йўратеда? Тугеже «Культурный код. Наследие. Мода» всероссийский конкурс – тыланда. Пашам [hse.design.ru](http://hse.design.ru) сайтыш 31 январь марте колтыза.

Москосо Сенгымаш тоштер сўретлаш йўратыше ўдыр-рвезе-влакым «Защитники Отечества» всероссийский конкурс эртарат. 23 февральлан пўлеклалтше откырым сўретлыман да 12 февраль марте колтыман. Тўрыс увер – [victorymuseum.ru](http://victorymuseum.ru) сайтыште.

## Марий Элысе увер

22 февральыште Параньга район Кугу Пумарий школышто «Ўярня» йоча пайрем эртаралтеш. 11 шагатлан тўналеш. Тушко тўрлў район гыч куд еҗан команде-влак толыт. Йодмашым [mari-centr\\_konkurs@mail.ru](mailto:mari-centr_konkurs@mail.ru) адрес дене электрон почтыш 13 февраль марте колтыман.

Республикысе марий тўвыра рўдер «Элым аралыше-влаклан» республикысе усталык конкурсым увертарен. Тушко 4-17 ияш ўдыр-рвезе-влак ушнен кертыт. «Тый элым аралет...» почеламутым сылын лудмо да «Салтаклан серыш» таҗасла улыт.

Т.Евсеев лўмеш Национальный тоштер 1 февральыште «День дарения» акцияым эртарат. Тиде кечын музейлан тошто фотом, сўретым, книгашамычым, тўрлў ўзгарым да вургемым пўлеклаш лиеш.





## Чолга юнкорлан – «Артекыш» корно

пушыжым шўлалтен, лаштык-лажым лышташленам. Тыгодым чонем пуйто каваште чонештылын.

Йоча газет мыланем, тунамсе тале юнкорлан, 1975 ийыште «Артек» пионер лагерыш каяш пүтвкым пөлеклен. Кужэнер район Йүледүр школым тунем пы-

тарымеке, «Ямде лийын» тунамсе тўн редакторжо А лек о Ю зы к а й н Марий кугыжаныш университетышке шинчымашым погаш

пураш темлыме серышым кучыктен. Окса чўдылан, чияш вургем укелан көра тиде шонымаш шукталтдеак кодын.

«Ямде лий» дене кылым кучышо, поэзийлан шўманше, тудын порсын лўнгалтышыштыже лўнгалтен ончышо кажне енын чонжо сылнымут тўня дене ўмырешлан кылдалтеш, очыни. Мый почеламутым кызытат возем.



«Ямде лий» газет – йоча годсо поро йолташем. Школышто тунемме годым тудын дене пенгыде кылым кученам. Почтальоным шуматкече еда шўм-чон вургуж вученам. Газетым кидышке налын, яндар чия

Тиде почеламутым кызытат шарнем, авторжым веле ом пале.

Почтовый яшылыкыш письмам Мый таче пыштенам. Моткоч кугу куан мылам, Вет мый юнкор улам!

Шергакан «Ямде лий» газет, Тый вучо ўшанен. Тылат воза юнкор танет, У стихым пөлеклен!

Й ө р а т ы м е газетемлан кугу таум ойлем да пиалан ўмыргорным тыланем. Лудшет шуко, возышовлакын перашт пўсө да писе лийышт.

**А.ЩЕРБАКОВА (ШАБАЛИНА).**

## Тендамат вучат

Увер



9-17 ияш улат? Чапле текстым серет, соцкыллаш верандаш түрлө подкастым, контентым ямдылет, онай видеом войзет? 2023 ийын эн сай тўналше авторжо лўмым налнет? Шинчымашетым кумдан палыме медиаэксперт-влакын эртарыме мастер-классыштышт келгемдынет? Тугеже йоча да самырык-влаклан «Медиавлёт» регион-шамыч кокласе медиапроект фестивалышке ушно.

Тидлан конкурсышто мастарлыкым тергыман. Шым тагас уло: «Эн сай савыктыме паша», «Эн сай савыктыш», «Эн сай лонгрид», «Эн сай видеопроект», «Эн сай аудиопроект», «Соцкылысе эн сай медиапроект», «Школысо эн сай медиацентр». Пашавлакым 16 март марте колтыман. Тўрыс увер – [медиавлет.рф](http://медиавлет.рф) сайтыште.

## «Икымше польш»

Тиде тунемме ийын икымше пельштыже ме, Арбор школын спортсменже-влак, латкок тагасымаште вий-куатнам тергена. Мыланем 10-11 декабрьште Йошкар-Олаште эртаралтше «Икымше польш» тагасымаш шарналтын кодын. Ме команде дене икымше верым сенен налынна. Мыланна кубок ден медальым кучыктенят. Ончыкыжымат тыршаш тўналына.

**Максим ИВАНОВ.**

Марий Турек район.



Фотом школ архив гыч налме.

## Спортсмен дене вашлиймаш

Класс вуйлатышына Л.Ю.Васина дене пырля С.Г.Чавайн лўмеш Национальный книгагудышко миенна. Тушто марафонец, краевед, историй шанче кандидат, мер пашаен Вячеслав Мартьянов дене вашлиймаш эртаралтын (**снимкыште**). Тудо шке мастарлыкше, кажне пашам чон пуэн ыштымыже, спорт дек кузе шўмангмыж нерген каласкален.

Вашлиймашке Марий Элын икымше президентше Вячеслав Максимович Зотин толын ыле. Спортым молан йораташ кўлмө нерген раш каласкален.

**Варвара СМЕРНОВА.**

Йошкар-Ола, Национальный сымыктыш школ.

Марий Эл Республикысе «**Виктория**» олимпийский резерв

Сенгымаш

спорт школын тунемшыже **Анна Александрова** Магнитогорск олаште эртаралтше «Кубок Анны Богалий – Skimir» биатлон дене всероссийский тагасымаште шке ийготанже-влак коклаште кокымшо верым сенен налын. Саламлена!





## Йүштө кечын

Ялна мала  
 ош лум коклаште,  
 Пасушто йүштө  
 куржталеш.  
 Ужам ош пылым  
 пөртвуйлаште,  
 Ах, тиде шикш,  
 вет шикш иеш.  
 Могае сылне, сай игече,  
 Коклан ош кече ончалеш.  
 Чиём мый таче  
 чапле ечым,  
 Ший курыкыш  
 вашкаш күлеш.  
**Эльвира АЛЕКСЕЕВА.**  
**Марий Турек, Сардаял.**



## Кайыкклан польш

Телым кайык-влакклан польшман. Ик кечын ме кочам дене пырля кормушкым ыштышна. Тудым пакчасе пушенгыш луктын сакалышна (снимкыште). Тушко түрлө шүрашым, кинде пудыргым, коям пыштена. Кайык-влак кажне кечын толыт. Ме Рома шольым дене окна гыч шолып эскерена. Орш, киса-влак поснак сылнын койыт. Южгунам кож казыля чонештен толеш, ме вет чодыра воктене илена.

Шернур, Лажъял.

Кирилл ЧЕТКАРЁВ.

## Чодырам аралыман

Пөртым чонымаште кермычым, бетоным кучылтыт. Марий калык суртым тун шотышто пырня гыч нөлтен. Пырня гыч онам пүчкын луктын. Күварым шарен, оралтым леведын. Пөртым чонен пытарымеке, пүкеным, үстелым да молым ыштен. Суртым ырыкташат пум кучылтын. Икманаш, илышна пүтынек пу дене кылдалтын. Садлан чодырам аралыман.

Кужэгер, Шүдымарий.

Всеволод КУЗНЕЦОВ.

# Телым кол кузе ила?

Редакцийыш Морко район гыч серыш пурен: «Мый визымше классыште тунемам. Колым энгыраш йоратем. Кенежым кажне кечын ер воктеке кошаш ямде улам. Телым ий үмбак шуэн-рак лектам. Колжат кенежымсе деч начарын чўнга. Палаш онай, телым кол кузе ила?»

Миша М.»

Нине йодыш-влакклан вашмутым пален налаш Шернур район Марисола ялыште илыше тале колызо, поэтессе, Марий Эл Республикын сулло туныктышыжо З.В.Ермакова (снимкыште) деке йынгыртышым.

– Чыла гаяк колын кап температуржо вўдысö температур дене икгаяк. Изирак ерыште але пўяште вўд пундаш марте кылма гын, кол-влак йошкыныш малаш возыт. Тыге карака, ротан да моло кол телым илен лектыт. Кугурак ерыште илыше кол-шамыч келгышкырак волат да, лакым муын, тўшка дене илат. Нунылан телым илен лекташ кенежым погымо витаминьшт полша. Лач шужымышт годым, лаке гыч лектын, кочкышым кычалыт. Сандене телым кол кажне кечын огеш чўнгö. Кызыт, мутлан, малыме жапышт. Февраль кыдалне але март тўжалтыште олаңге, шеренге, кырыш-влак утларак тарванылаш тўжалыт. Олаңге йўштым йората, шеренге – луман игечым, кырыш гын кеч-могай кечы-



Фотом еш архив гыч налме.

нат энгырыш логалын кертеш, – умылтара Зинаида Васильевна.

– Те нуным мо дене кучеда? Йоча-шамычклан колым могай кочкыш дене сийлаш темледа? – пален налнем шкежат.

– Кугурак колым кучаш манын, ондалчык ший колым (блеснам) кучылтыт. Мый утларакше йошкар тўсан изи шужышым – кармын муныжым – кучылтам. Колым тўрлö пучымыш дене сийлаш лмеш, – оила тале колызо.

Е.ИВАНОВА мутланен.

Чодыра шуко – перега, чодыра шагал – ит ру, чодыра уке – шынде.

Калыкмут.

К	У	О	И	Т	У	М	О	К
П	И	С	Т	Е	Т	У	П	А
В	А	Ш	К	У	Э	К	У	Т
А	Т	У	Р	Л	О	М	Б	О
Ш	О	Ш	О	Л	О	В	А	Ш
Т	П	Ы	З	Л	Е	А	Б	П
А	Н	К	О	Ж	Н	Н	И	З
Р	А	М	А	М	У	Й	Ш	В
Л	Ш	О	П	К	Е	П	Л	О
О	Л	М	А	П	У	Р	Ж	Л

Пушенге-влакым муза.

Софья ЧЕМЕКОВА.

Советский, Орша.



# Оласе йоча марла кутыра

Ялыште шочын-кушо марий ўдыр-рвезе-влак, олашке тунемаш кайымеке, ятырынже ўмыр мучкылан тушан лакемыт. Ешым чумырат, икшывышт шочеш. Кудывечиште ньога-шамыч рушла кутырат, йочасадыш каят — туштат руш шўлыш озалана, школыштат — тыгаяк сўрет. Тыге марий ача-аван икшывышт рушангыт, но чыланжак огыл. Теве Йошкар-Олаште илыше Алексеевмыт (снимкыште) эргышт-влакын чонышкышт марий йылмын юзо вийжым шынгарен кертныт.



Ирина Геннадьевна ден Николай Викторович коктынат Морко район гыч улыт. Ава Марий кугыжаныш университетысе Калыкле тўвыра да тўвыра-влак кокласе кыл институтышто костюмерлан пашам ышта. Суртоза Моско олаште чонымаште тырша.

## Кум эрге

Алексеевмыт кум эргым ончен куштат. Кугуракше, Мирослав, Йошкар-Оласе 10-шо номеран школын 6-шо «Б» классыштыже тунемеш. Никита шольыжо 19-ше номеран школыш кош-теш. Ўмаште парт коклашке икымше гана шинчын. Рвезе-влак тхэквондо дене кокымшо ий кылым кучат. Ик тагасымаште Никита икымше лийын, Мирослав кумшо. Никита 6-шо номеран сымыктыш школышто баян дене шокташ тунемеш. Фёдор ныл ияш. Тудо 80-ше номеран «Ўжара» йочасадыш коштеш. Изаже-влак семейнак спортсмен лиеш, очыни.



рушла кутырен. Мемнам колыштын, иже гыч тунемын. Кум ияшыж годым ала-мом йодмыланна марла вашештен. Ме ўрынна, тыгодым моткоч йывыртенна. Ялышке коча-кова

марла пелешта. Кевытче-влак Мирославым мокталтат, — ойла Ирина Геннадьевна.

Никита ден Фёдор кызытеш марла начарынак мутланат гынат, тыршат, кумылыштат уло. Мирослав изаштым ончен, тудын семейнак яндарын кутыраш тўналыт манын ўшаныме шуэш.

## «Авай дене пырля»

Ача-ава, икшывышт марий йылмым сайын палышт манын, тўрлө йўным кучылтыт. «Интеллектуал» тўвыра да увер рўдер пелен пашам ыштыше «Авай дене пырля» школ-студийыш эргышт-шамыч дене шуко шоныде ушненыт. Йоча-влак авашт дене пырля шочмо йылмым модыш йўн полшымо дене шымлат, тўвыра, йўла дене лишкырак палыме лийыт.

— Марий йылме — тўняште ик эн мотор йылме. Тудым йўратыман да аралыман. Ме марий улмына деч нимыняр огына возжыл, кугешнена веле. Марий пайремным пайремлена, марий йўлам жаплена. Тек шочмо йылмынан ўмыржў кужу лиеш, — ойлат ача-ава.

**Х.АЛЕКСАНДРОВА.**

**Фотом еш архив гыч налме.**

## Оласе йоча ўрыктара

Ача-ава икте-весышт коклаште марла гына кутырат. Тидым ужын, эрге-влакат кумылангыт.

— *Мирослав эн ондак*

# Пиалан улына

Мемнан ешна кугу: ачам, авам, кочам, ковам, мый да кок шўжарем улына. Осман ялыште келшен илена. Ме пиалан улына, каныш кечылам веселан эртарена. Теле каныш годым ешна дене Йўштў Кугызан илемышкыже мийышна. Верже чылт йомакысе гай! Йўштў Кугыза ден Лумўдырлан Вика шўжарем почеламутым каласыш. Йомакысе корнышто мом гына ышна уж, кўм гына ышна вашлий! Вуверкуван ўштервоштыржым ужмеке, ўпем копыж-ж шогале: моткоч чот лўдым. Маскан малыме вержым ончышна. Сонарзат пеш поро кумылан. Курык гыч мунчалташ мыланем эн чот келшыш. Тугай тура, но ача-ава пелен лўдыкшў огыл.

**У Торьял, Немда.**

**Кирилл ЛЕБЕДЕВ.**  
Авторын сўретше.







Ныл йолан йолташна

## Изи мундыра

Мундыра гай Шемечем, Пеш онгайыс пырысем. Йората малаш, кочкаш Да эше колям кучаш.

Шемечем, ах,  
Шемечем –  
Эн ўшанле йолташем.  
Ончылнем эре шинча,  
Урокем ышташ полша.  
**Яна АФНАСЬЕВА.**  
Кужэгер, Шўдымарий.

## Ушан Кисуля

Мыйын Кисуля пырысигем уло. Тудо ошо да шем тўсан. Кисуля шорым, киндым, шўрым йората. Тамле кочкышым пыштымем ужешат, вигак кудал толеш. Школ гыч толмемым омса воктене вуча. Мый тудым тупшо гыч ниялтем. «Мур-р» манын, таум ойла.

**Софья ВАСИЛЬЕВА.**  
Параньга, Матародо.

Арварвик-арварвик,  
почын-вуйын  
кувырдик,  
кырым-карым  
конгамбак.



## Аваж ден ўдыржө

Ешыште кок пырыс уло: аваж ден ўдыржө. Кугуракше Кристи лўман, игыже – Муся. Кристи кугу мотор пылышан, ошалге-шем-кўрен тўсан. Шинчаже гын шем-ужарге. Ава шке игыжым йората. Колям куча гын, игыжлан веле пукша. Нуно тамлын кочкаш, мыйын пеленем малаш йоратат. Ныл йолан йолташем-влак воктене сай омо конча.

**Анна АНИСИМОВА.**  
Морко, Шўргыял.

## Пөлеклан – лу кролик

Кажне йоча пийым, пырысым але вес ныл йолан йолташым моткоч йората. Тудын кўлешлыкшым ача-ава умылат гынат, икшывын йодмыжым эреж годым шукташ ямде огытыл. Марий Турек район Косолап селаште илыше Тюлькинмыт ешыште (снимкыште) тыгай нелылык лийын огыл. Вате-марий Павел Сергеевич ден Елена Сергеевна Максим, Лиза да Настя икшывыштлан лу кроликым налыныт. Нуным четлыкыште огыл, посна печен налме фермыште ашнат.

– Мый фермер улам. Ушкалым, шорыкым ашнем. Йоча-влак суртвольыкклан шўман лийышт манын, кроликым налынна, – ойла Павел Сергеевич. – Нуным ончаш неле огыл. Писын кушкыт, шуко игым ыштат.

Мотор, пушкыдо пунан йолташыштым йоча-влак пукшат, модыт, койышыштым эскерат. Икте шудым конда, весе ковышта дене сийла. Кажныжлан лўмым пуаш шонат. Ныл йолан йолташым ончен, поро кумылан, шке пашалан мутым кучышо кушкыт. Адакшым кроликын шылже



Фотом еш архив гыч налме.

тазалыкклан пайдале. Тидымат шотыш налынна.

Тюлькинмыт кызыт сур да ош великан урлык кроликым ашнат. Нуно кужу пунан, кугу капан лийыт. Тўшка дене илаш йоратат. Чотыштым ешарыме шотышто йодмемлан тыге вашештышт: «Жап рашемда, тўнжө йоча-влак куанышт».

**Е.ИВАНОВА.**

## Модыш гай

Йоратыме пырысемын лўмжө – Мурка. Тудо пушкыдо пуножо дене модышым ушештара. Муркам ниялтыме да ниялтыме шуэш. Пырысем вашке мемнам игыж дене куандара. Мыят тудын ош тўням ужмыжым изин-кугун вучем.

**Сергей НАГАЕВ.**  
Советский, Ёрша.

Авторын сўретше.

## Палаш онгай

Пырыслан лўмым пуымо годым шотыш налза:

- ➔ пырыс кўчык мутым куштылгын шарна;
- ➔ шомак кум слог деч кужу лийшаш огыл;
- ➔ лўмыштө с, з, ц буква-влак лийыт гын, сай;
- ➔ ш, щ, ж, ч буква-влакан лўм-шамыч деч кораңаш тыршыман.



Мо кушто ила?



Нуно мом кочкыт?







Фотом еш архив гыч палме.

## Мультфильмыш логалынам

Каникул годым Шернур район Кугу Мушко ялыш экскурсий дене миенна (снимкыште). Машина гыч волымеке, мультфильмышке логалмыла чучын. Тушто могай гына янлык да йомакысе герой уке улыт?! Пўйым шырыше горилле, кугу слон, орвам шупшишо пўчө, спи-нозавр, тираннозавр, птеродактиль, Маша ден маска, Лумўдыр ден Йўштö Кугыза да молат. Кажныж пелен войзалтме шуэш. Нуным Анна ден Борис Тымбаршевмыт лум гыч ненченыт. Тау нунылан.

Никита АВТОНОМОВ.

Йошкар-Ола, 3-шо номеран школ.

**Палаш онгай** 100 энгыремышвотым пырля пўтыраш гын, тудо айдемын 1 үп пырчыже кўжгытан лиш. Ургымо шўртö кўжгытанлан 18 тўжем энгыремышвот кўлеш.

ФЕВРАЛЬ		М.Шкетан лўмеш Марий кугыжаныш драма театр	
4	сб 16:00	ГАМЛЕТ. МАШИНА. ЦЕМЕНТ Специально	У. Шекспир 2ч.
5	рш 16:00	КИТАЙ КУВА Комедий	А. Бачалов /Китайская бабушка 2ч.
9	чт 18:00	ЛЮБЛЕННЫЙ В МУЗЫКУ И В ЖИЗНЬ Концерт	Музыкальный ансамбль «Мелодия» /Музыкальный ансамбль «Мелодия» 2ч.
10	кв 18:00	ЙОРАТЫМАШЫН УЛО ЮЗО ВИЙ Концерт	Волшебная сила любви 2ч.
11	шн 16:00	ШУДЫРАН ТАТ Шулыкан комедий	Бор Николаев 2ч.
12	сб 11:00	ВОЛШЕБНАЯ ЛАМПА АЛАДИНА Музыкальная сказка	А. Чулым 1ч.
12	рш 16:00	ЕГ МАРИЙ – ВОТ МАРИЙ! Комедий	В. Бурнов /Приветливый кларнет 2ч.30м.
17	кв 18:00	ЙОРАТЫМАШ ДА КӨГӨРЧЕН-ВЛАК Комедий	В. Бурнов /Любовь и голуби 2ч.30м.
18	сб 16:00	ПОСАДИТЬ ДЕРЕВО Шука в садон действи	Н. Урусаски 1ч.
19	рш 16:00	МЫЙЫН ИЛЫШЕМ – ТЕАТР Жизнь моя - театр	В. Пяткова 2ч.
22	вр 18:00	ЙОРАТЫМАШЫН АКШЕ Комедий	В. Пяткова 2ч.
23	чт 11:00	ВОЛШЕБНАЯ ЛАМПА АЛАДИНА Музыкальная сказка	А. Чулым 1ч.
23	кв 16:00	ШУДЫР ЙҮР Концерт	2ч.
24	кв 18:00	ОРЬЕН МЕЛНА Комедий	А. Волков /Сказочные блонды 2ч.30м.

КАССЕ (8362) 78-13-78 Реклама. SHKETAN.RU

## Калык пале

Йўдйымал мардежан годым кол ок чўнгö, кечы-валйымалан годым чўнга.

Кок верган имне писе лиш.

Ўлнö ончыктым арвер-влакым сўретыште кычалза. Сўретым чиялтыза.

## Рушарнян

Рушарня – мыйын ик эн йöратыме кечем. Тунам нигушко вашкаш ок кўл. Ик каныш кечын еш дене чодырашке тарванышна. Игече моткоч сай, кумылым нöлта. Ме курык гыч шер теммеш мунчалтышна, йўкланышна. Лач луман пушенге веле йўк лукде шогыш. Пычке-мышалтмеке, мöнгтö пöртылна. Авалан кас кочкышым ямдылаш полшышна. Каныш кечым пайдалын эртарышна.

Дима НИКОЛАЕВ.

Морко, Арын.

– Тый киношко билетым визымше гана налат, – ойла кассир.

– Мый титакан омыл, омса воктенысе акай эре тудым кушкедеш.



Шуко жап йўлен кертеш.



Энергокуатым аныклыше лампычкын пайдаже.

Волгыдылыкшым иземдаш да кугем-даш лиш.

Волгыдылыкшо 4-5 пачаш кугурак.



Электротулым 4-7 пачаш шагалрак кучылтеш.



«Ямде лий» газет  
Тўн редактор  
Л.Н.ГРИГОРЬЕВА.  
Индекс: П4696.  
Тираж 1550 экз. Заказ  
Формат – А-4-8.

[https://vk.com/yamde\\_lii](https://vk.com/yamde_lii)  
<https://t.me/yamdellii>  
E-mail: [yamde\\_lii@mari-el.ru](mailto:yamde_lii@mari-el.ru)  
(документ кагазлан),  
[yamde\\_lii@mail.ru](mailto:yamde_lii@mail.ru)  
(автор-влаклан)  
Сайтын адресше: [yamdelii.rfp](http://yamdelii.rfp)

УЧРЕДИТЕЛЬ:  
Марий Эл Республикысе  
культур, печать да  
калык-влакын пашашт  
шотышто министерстве.

Газетым редакцийште  
погымо да версталыме,  
«Марий Эл Республикысе  
Правительствын типографийже» ООО-што ямде  
оригинал-макет гыч савыктыме. Типографийын  
адресше: 424000, Йошкар-Ола, Комсомольский урем, 112.

Газетым Кыл, информационный тех-  
нологий да массовый коммуникаций  
сферым эскериме шотышто федераль-  
ный службын Юл кундем федеральный  
округысо управленийыштыже регис-  
трироватлыме.  
Номер – ПИ № ТУ52-01335,  
2021 ий 29 сентябрьште пуымо.

0+

Печатьш пуымо жап –  
14-00,  
фактически – 13-00

Авторын да редакцийын шоныма-  
шышт тўрлö лийын кертыт. Серыш-  
влак мöнгеш огыт колталт.  
Ак – кутырен келшыме почеш.

Редакцийын да издательнын адресше:  
424006, Йошкар-Ола, СССР Вооружённый  
Вийын 70-ше идалькыше урем, 20-шо пöрт.  
Тел. 8(8362) 45-22-82(факс).



КОНКУРС



Дима ЯКИМОВ.  
Шернур, Шұдымарий.



Ева ПЕТРОВА.  
Звенигово ола.



Матвей МАКАРОВ.  
Морко посёлко.



Шотлен луктын, клеткы-лашке возыза.

<input type="text"/>	<input type="text"/>	<input type="text"/>	<input type="text"/>	<input type="text"/>

Курчакын – вич мотор у платье.  
Эше могай күлеш – ом пале.  
Вет меж гычат вургемже күлыт.  
Пидам. Лиешыс ...  
**Г.ВИЕРУ, молдаван поэт.**  
**В.КРЫЛОВ марлагден.**

5 шырпым коранден, 5 треугольником кузе ышташ!

Йодыш олмеш чын числам шындыза.

**7 5 8 4 9 3 ?**

**10 | 2 | 1 | 11**

**Шомак-влакым марий йылмыш чын кусарыза.**  
1.Вяз. 2.Ёж. 3.Считать.  
4.Весна. 5.Лось. 6.Слева.  
**Даниил РЕПИН.**  
Советский, Ёрша.

ШО


Кудо омса?

Йолташ ўдыржў Таням уремыште ужынат, унала ўжын, тыге ойлен:

– Тый мемнан пачернам вашке кычал муат. Пўртыш пурюмеке, коридорыш логалат, а тушто – икгаяк кум омса. Пачерлаште Петровмыт, Ивановмыт да ме илена. Мемнан пачерна эн шолаштак огыл, но Ивановмыт деч шолаштырак.

Кастене Таня йолташ ўдыржын илыме пўртышкў толын. Коридорыш пурюмеке, ўрын шогалын. Кушко йынгырташ?

A	X
4	
20	
32	
48	
60	
72	
80	
88	
92	
100	
148	



85	36	94	85	123	75	44	60	48	104	123	85	40	48	56
----	----	----	----	-----	----	----	----	----	-----	-----	----	----	----	----

